




MS  
149

149







# AVRELII

PRVDENTII CLEMENTIS VI-

ri Consularis atq; Poëtæ Christianissimi

Liber καθημεριῶν, id est, opus re-

rum diurnarum, in usum piæ

iuuentutis editus.

*Adiecta est Petri Mosellani epistola. Nam Leo-  
nardi Quercini ineptum de pientissimo  
poeta iudicium nihil moramur.*

ANNO M. D. XXXIII.

Lipsiæ excudebat Nicolaus Faber,

MENSE SEPTEMBRI.

*L. F.*  
*I vos in primis rogo.*  
*Semper ut sperat in perpetuum usque*  
*Pignus nobilitatis qd dederat nris deo omni*



PETRVS MOSELLANVS PROTE=  
GENSIS MATTHIAE MEYNERO

*liberalium artium Magistro, Illustriss. Saxo=  
niae Ducis Georgij ad Niueum montem  
decimarum praefecto, Salutem.*

**V**ulgare est, Matthia charissime, ut qui per se te=  
nues, unde hospitibus amicis beneficiant, domi=  
non habent, & tamen liberales uideri uolunt, ij  
à uicinis locupletioribus ea quibus ad comiter excipien=  
dos amicos sit opus mutuentur. At mihi, cui iam olim in  
uotis est, quàm Matthiae mei sim amans, singulari aliquo  
officio declarare, cum neq; domesticum ingenioli huius  
poenus aliquid, quo te dignum conuiuium instruam, in  
praesenti suppeditet, neq; alienae suppellectilis ceu pro=  
priae propositae admiratione magnificus haberi susti=  
neam, illud conuiuatorum genus imitari placuit, qui  
suos amicos, si domi uel unde coenam parent non habent,  
uel non imperarunt, in locupletis alicuius amici domum  
inuitant, quò simul, quod est ingenui ac liberalis animi,  
domesticam suam tenuitatem confitentur, & officio suo  
non desunt. Quanquam enim ipse aliquoties ineptiens ad  
nugas ex mei ipsius ingenij paupertate depromptas, le=  
ctores inuito, & quae adolescentiae ferè temeritas est,  
plures imperitiae meae testes, meo ipsius quasi preconio,  
colligo, tamen cum Prudentium Clementem familiarem  
habeam, qui unus omnium inter Christianos poetas le=  
ctores suos pascere sufficiat lautissime (sive preciosissi=  
mas panis coelestis, hoc est, uerbi diuini epulas esurias,  
sive



siue efficacis eloquentiae condimenta requiras, siue denique  
 conuiujs familiarem & gratam numerorum dulcedinem  
 expectes ) uolui omnino & tibi, & per te iuuentuti Li-  
 p̄sensi eius uiri suauitatem mecum facere communem.  
 Non tam quod non iam olim uel ipse ad has lauitias tuo  
 ductu accesseris, quam quod tui nominis inscriptione hūc  
 hymnorum libellum studiosis adolescentibus studuerim  
 reddere commendatiorem. Quod ut magis etiam asse-  
 quar, quicquid id est libelli, seorsim à Typographis ex-  
 cudi curauit, & publice in schola nostra prælegendum  
 suscepi. Bene uale. Lipsiæ è collegio nostro nonis No-  
 uembris, Anno domini M. D. XXII.

# AVRELII

PRUDENTII, VIRI CONSULA-  
 RIS IN LIBRUM καθεμῶν  
 PRAEFATIO.

Ode tricolos tristrophos. Primus enim uersus est Gly-  
 conius, constans Spondaeo, Choriambo & Pyrrichio. Se-  
 cundus Asclepiadæus, constans Spondaeo & duobus Cho-  
 riambis & Pyrrichio. Tertius Choriambus, constans  
 Spondaeo, & tribus Choriambis, & Pyrrichio, hoc  
 modo.

-- -UU- UU  
 -- -UU- -UU- UU  
 -- -UU- -UU- -UU- U

A 2 Pef



**P**er quinquennia iam decem,  
Ni fallor, fuimus, septimus in super  
Annum cardo rotat, dum fruimur sole uolubili.  
Instat terminus, & diem  
Vicinum senio iam Deus applicat,  
Quid nos utile tanti spacio temporis egimus?  
Actas prima crepantibus  
Fleuit sub ferulis, mox docuit toga  
Infectum uicijs falsa loqui, non sine crimine.  
Tum lasciuia proteruitas,  
Ac luxus petulans, heu pudet, ac piget,  
Fœdauit iuuenem nequitie sordibus, ac luto.  
Exin iurgia turbidos  
Armarunt animos, & male pertinax  
Vincendi studium subiacuit casibus asperis.  
Bis legum moderamine  
Frenos nobilium reximus urbium,  
Ius ciuile bonis reddidimus, terruimus reos.  
Tandem militia gradu  
Euectum pietas Principis extulit,  
Adsumptum propius stare iubens ordine proximo.  
Hæc dum uita uolans agit,  
Irrepsit subito canicies seni,  
Oblitum ueteris Messalæ consulis arguens.  
Sub quo prima dies mihi  
Quàm multas hyemes uoluerit, & rosas  
Pratis post glaciem reddiderit, nix capitis probat.  
Nunquid talia proderunt

Carnis



Carnis post obitum uel bona, uel mala?  
 Cum iã quicquid id est, quod fueram, mors aboleuerit.  
 Dicendum mihi quisquis es,  
 Mundum, quem coluit, mens tua perdidit,  
 Non sunt illa Dei, quæ studuit, cuius habebis?  
 Atqui sine sub ultimo  
 Peccatrix anima stultitiam exuat,  
 Saltem uoce Deum concelebret, si meritis nequit.  
 Hymnis continuet dies,  
 Nec nox ulla uacet, quin dominum canat,  
 Pugnet contra hæreses, catholicam discutiatur fidem.  
 Conculcet sacra gentium,  
 Labem Roma tuis inferat idolis,  
 Carmen martyribus deuoueat, laudet Apostolos.  
 Hæc dum scribo, uel eloquor,  
 Vinculis o utinam corporis emicem  
 Liber, quo tulerit lingua sono mobilis ultimo.

HYMNVS AD GALLICANTVM.

Monocolon dimetrum Iambicum, Archilochicum, Aca-  
 talecticum, recipiens locis imparibus Spondæum, &  
 nonnunquam Anapestum. Paribus uero Iambum, &  
 nonnunquam Pyrrhichium, hoc modo.

-- u -- -- uu

Les diei nuncius  
**A** Lucem propinquam præcinit,  
 Nos excitator mentium  
 Iam Christus ad uitam uocat.  
 Auferte clamat lectulos,

A 3 Agros



Aegros sopores, desides,  
Castiq; recti ac sobrij  
Vigilate, iam sum proximus.  
Post solis ortum fulgidi  
Serum est cubile spernere,  
Ni parte noctis addita  
Tempus labori adiecero.  
Vox ista, qua strepunt aues  
Stantes sub ipso culmine,  
Paulo ante quam lux emicet,  
Nostris figura est iudicis.  
Tectos tenebris horridis,  
Stratisq; opertos segnibus,  
Suadet quietem relinquere  
Iam iamq; uenturo die.  
Ut cum coruscis flatibus  
Aurora coelum sparscrit,  
Omnes labore exercitos  
Confirmet ad spem luminis.  
Hic somnus ad tempus datus,  
Est forma mortis perpetis,  
Peccata ceu nox horrida  
Cogunt iacere, ac stertere.  
Sed uox ab alto culmine  
Christi docentis praemonet,  
Adesse iam lucem prope,  
Ne mens sopori seruiat.  
Ne somnus usq; ad terminos

Vita



Vitæ socordis, opprimat  
Pectus sepultum crimine,  
Et lucis oblitum suæ.  
Ferunt uagantes dæmonas  
Latos tenebris noctium,  
Gallo canente exterritos  
Sparsim timere, & cedere.  
Inuisa nam uicinitas  
Lucis, salutis, numinis,  
Rupto tenebrarum situ  
Noctis fugat satellites.  
Hoc esse signum præscij  
Norunt repromissæ spei,  
Qua nos soporis liberi  
Speramus aduentum Dei.  
Quæ uis sit huius alitis,  
Saluator ostendit Petro,  
Ter ante quàm gallus canat,  
Sese negandum prædicans.  
Fit namq; peccator prius,  
Quàm præco lucis proximæ  
Illustret humanum genus,  
Finemq; peccandi ferat.  
Fleuit negator deniq;  
Ex ore prolapsum nefas,  
Cum mens maneret innocens,  
Animusq; seruaret fidem.  
Nec tale quicquam postea



Lingua locutus lubrica est,  
Cantuq; galli cognito,  
Peccare iustus destitit.  
Inde est, quod omnes credimus,  
Illo quietis tempore,  
Quo gallus exultans canit,  
Christum redisse ex inferis.  
Tunc mortis oppressus uigor,  
Tunc lex subacta est tartari,  
Tunc uis diei fortior  
Noctem coëgit cedere.  
Iam iam quiescant improba,  
Iam culpa furua obdormiat,  
Iam noxa læthalis suum  
Perpessa somnum, marceat.  
Vigil uicissim spiritus  
Quodcunq; restat temporis  
Dum meta noctis clauditur,  
Stans ac laborans excubet.  
Iesum ciamus uocibus,  
Flentes, precantes sobrie.  
Intenta supplicatio  
Dormire cor mundum uetat.  
Sat conuolutis artubus  
Sensum profunda obliuio  
Pressit, grauauit, obruit,  
Vanis uagantem somnijs.  
Sunt nempe falsa, & friuola,

Que



Quæ mundiali gloria  
Ceū dormientes egimus,  
Vigilemus, hic est ueritas.  
Aurum, uoluptas, gaudium,  
Opes, honores, prospera,  
Quæcunq; nos inflant mala,  
Fit mane, nil sunt omnia.  
Tu Christe somnum disijce,  
Tu rumpe noctis uincula,  
Tu solue peccatum uetus,  
Nouumq; lumen ingere.

H Y M N U S M A T U T I N U S .

Carminis ratio eadem est, quæ superioris.

**N**ox, & tenebræ, & nubila,  
Confusa mundi, & turbida,  
Lux intrat, albescit polus,  
Christus uenit, discedite.  
Caligo terræ scinditur  
Percussa solis spiculo,  
Rebusq; iam color redit,  
Vultu nitentis syderis.  
Sic nostra mox obscuritas,  
Fraudisq; pectus conscium.  
Ruptis reiectum nubibus,  
Regnante pallefcet Deo.  
Tunc non licebit claudere,  
Quod quisq; fuscum cogitat,

A 5

Sc l



Sed mane clarescent nouo  
Secreta mentis prodita.  
Fur ante lucem squalido  
Impune peccat tempore,  
Sed lux dolis contraria  
Latere furtum non sinit.  
Versuta fraus, & callida,  
Amat tenebris obtegi,  
Aptamq; noctem turpibus  
Adulter occultus fouet.  
Sol ecce surgit igneus  
Piget, pudet, poenitet,  
Nec teste quisquam lumine  
Peccare constanter potest.  
Quis mane sumptis nequiter  
Non erubescit poculis,  
Cum fit libido temperans,  
Castumq; nugator sapit?  
Nunc nunc seuerum uiuitur,  
Nunc nemo tentat ludicrum,  
Inepta nunc omnes sua  
Vultu colorant serio.  
Hec hora cunctis utilis,  
Qua quisq; quod studet, gerat,  
Miles, togatus, nauita,  
Opifex, arator, institor.  
Illum forensis gloria,  
Hunc triste raptat classicum,

Mercator



Mercator hinc, ac rusticus  
Avara suspirant lucra.  
At nos lucelli, ac fœnoris  
Fandiq; prorsus nescij,  
Nec arte fortes bellica,  
Te Christe solum nouimus.  
Te mente pura, & simplici  
Te uoce, te cantu pio,  
Rogare curuato genu  
Flendo & canendo discimus.  
His nos lucratur quæstibus,  
Hac arte tantum uiuimus,  
Hæc inchoamus munera,  
Cum sol resurgens emicat.  
Intende nostris sensibus,  
Vitamq; totam dispice,  
Sunt multa fucis illita,  
Quæ luce purgentur tua.  
Durare nos tales iube,  
Quales remotis sordibus  
Nitere pridem iusseras,  
Iordane tinctos flumine.  
Quodcunq; nox mundi dehinc  
Infecit atris nubibus,  
Tu \* rex Eoi syderis  
Vultu sereno illumina.  
Tu sancte, qui tetram picem  
Candore tingis lacteo,

\* lux

Ebenoq;



Hebenoq; crystallum facis,  
Delicta tergens liuida.  
Sub nocte Iacob cærule  
Luctator audax angeli,  
Eò usq; dum lux surgeret.  
Sudauit impar prælio.  
Sed cum iubar claresceret,  
Lapsante claudus poplite,  
Femurq; uictus debile  
Culpe uigorem perdidit.  
Nutabat inguen saucium,  
Quæ corporis pars uilior,  
Longeq; sub cordis loco  
Diram fouet libidinem.  
Hæ nos docent imagines,  
Hominem tenebris obsitum  
Si forte non cedat Deo,  
Vires rebelles perdere.  
Erit tamen beatior,  
Intemperans membrum cui  
Luctando claudum, & tabidum  
Dies oborta inuenerit.  
Tandem faceffat cæcitas,  
Quæ nosmet in præceps diu  
Lapsos sinistris gressibus  
Errore traxit deuiò.  
Hæc lux serenum conferat,  
Purosq; nos præstet sibi,

*Opera Jacobi  
magistri fuit  
Hebeno*

Nihil



Nihil loquamur subdolum,  
Voluamus obscurum nihil.  
Sic tota decurrat dies,  
Ne lingua mendax, nec manus,  
Oculi ne peccent lubrici,  
Ne noxa corpus inquinet.  
Speculator adstat de super,  
Qui nos diebus omnibus,  
Actusq; nostros prospicit  
A luce prima in uesperum.  
Hic testis, hic est arbiter,  
Hic intuetur quicquid est  
Humana quod mens concipit,  
Hunc nemo fallit iudicem.

#### HYMNVS ANTE CIBVM.

Carmen Alcmanium, trimetrum, hypercatalecticum,  
monocolon, pentastrophon, constans tribus Dactylis &  
semipede, id est heptimemeri heroica, hoc modo.

- u u    - u u    - u u    u  
**O** Crucifer bone lucifator,  
Omniparens, pie, uerbigena,  
Aedite corpore uirgineo,  
Sed prius in genitore potens,  
Astra, solum, mare quam fierent.  
Huc nitido precor intuitu  
Ecte salutiferam faciem,  
Fronte serenus: & irradias

Nominis



Nominis ut sub honore tui  
Has epulas liceat capere.  
Te sine dulce nihil domine,  
Nec iuuat ore quid appetere,  
Pocula ni prius, atq; cibos  
Christe tuus fauor imbuerit  
Omnia sanctificante fide. *e-g. p-t*  
Fercula nostra deum sapiant,  
Christus & influat in pateras.  
Seria, ludicra, uerba, iocos,  
Deniq; quod sumus, aut agimus,  
Trina superna regat pietas.  
Hic mihi nulla rosæ spolia,  
Nullus aromate fragrat odor,  
Sed liquor influit ambrosius,  
Nectare amq; fidem redolet  
Fusus ab usq; patris gremio.  
Sperne camœna leues hederas,  
Cingere tempora quis solita es,  
Sertaq; mystica dactylico  
Texere docta, liga strophio  
Laude Dei redimita comas.  
Quod generosa potest anima,  
Lucis & ætheris indigena,  
Soluere dignius obsequium?  
Quàm data munera si recinat  
Artificem modulata suum?  
Ipse homini quia cuncta dedit,

Quæ



Quæ capimus dominante manu,  
Quæ polus, aut humus, aut pelagus  
Aëre, gurgite, rure creant,  
Hæc mihi subdidit, & sibi me.  
Callidus illaqueat uolucres  
Aut pedicis dolus, aut maculis,  
Illita glutine corticeo  
Vimina plumigeram seriem  
Impediunt, & abire uetant.  
Ecce per æquora fluctuagos  
Texta greges sinuosa trahunt.  
Piscis item sequitur calanum,  
Raptus acumine uulnifico  
Credula saucius ora cibo.  
Fundit opes ager ingenuas,  
Diues aristiferæ segctis,  
Hic ubi uitea pampineo  
Brachia palmite luxuriant,  
Pacis alumna ubi bacca uiret.  
Hæc opulencia Christicolis  
Seruit, & omnia suppeditat.  
Absit enim procul illa fames  
Cædibus ut pecudum, libeat  
Sanguineas lacerare dapes.  
Sint fera gentibus indomitis  
Prandia, de nece quadrupedum:  
Nos oleris como, nos siliqua  
Fœta legumine multimodo

Pauerit

ya



*Paucrit innocuis epulis.  
Spanca mulctra gerunt niueos  
Vbere de gemino latices,  
Perq; coagula densa liquor  
Insolidum coit, & fragili  
Lac tenerum premitur calato.  
Mella recens mihi Cecropia  
Nectare sudat olente fauus,  
Hæc opifex apis aërio  
Rore liquat, tenuiq; thymo,  
Nexilis inscia connubij.  
Hæc quoq; pomiferi nemoris  
Munera mitia proueniunt,  
Arbor onus tremefacta suum  
Deciduo grauis imbre pluit,  
Puniceosq; iacit cumulos.  
Quæ ueterum tuba, quæuc lyra  
Flatibus incita, uel fidibus,  
Diuitis omnipotentis opus,  
Quæq; fruenda patent homini,  
Laudibus equiparare queat?  
Te pater optime mane nouo,  
Solis & orbita cum media est,  
Te quoq; luce sub occidua  
Sumere cum monet hora cibum,  
Nostra deus canet harmonia.  
Quod calet halitus interior,  
Corde quod abdita uena tremit,*

*Pulsat*



Pulsat & incita quod resonant  
Lingua sub ore latens caueam, *v. ut lingua si desinat*  
Laus superi patris esto mihi.  
Nos igitur tua sancta manus  
Cespite composuit madido,  
Effigiem meditata suam,  
Utq; foret rata materies,  
Flauit & indidit ore animam.  
Tunc per amœna uireta iubet  
Frondicomis habitare locis.  
Ver ubi perpetuum redolet,  
Prataq; multicolorata latex  
Quadrifluo celer amne rigat.  
Hæc tibi nunc famulentur ait,  
Usibus omnia dedo tuis,  
Sed tamen aspera mortifero  
Stipite carpere poma ueto,  
Qui medio uiret in nemore.  
Hic draco perfidus indocile  
Virginis illicit ingenium,  
Ut socium malesuada uirum  
Mandere cogeret ex uetitis,  
Ipsa pari peritura modo.  
Corpora mutua nosse nefas,  
Post epulas inoperta uident  
Lubricus error & erubet.  
Tegmina suta parant folijs,  
Dedecus ut pudor occuleret.

B

Conscia

ulsat





Conscia culpa Deum pauitans  
Sede pia procul exigitur.  
Innuba foemina quæ fuerat,  
Coniugis excipit imperium,  
Foedera tristia iussa pati.  
Author & ipse doli coluber  
Plectitur improbus, ut mulier  
Colla trilingua calce terat,  
Sic coluber muliebri solum  
Suspicit, atq; uirum mulier.  
His ducibus uiciosa dehinc  
Posteritas ruit in facinus,  
Dumq; rudes imitatur auos  
Fas nefasq; simul glomerans  
Impia crimina morte luit.  
Ecce uenit noua progenies,  
Aethere proditus alter homo,  
Non luteus, uelut ille prius:  
Sed deus ipse gerens hominem,  
Corporeisq; carens uicijs.  
Fit caro uiuida sermo patris,  
Numine quem rutilante grauis  
Non thalamo, neq; iure thori,  
Nec genialibus illecebris  
Intemerata puella parit.  
Hoc odium uetus illud erat,  
Hoc erat aspidis atq; hominis  
Digladiabile dissidium

Quod



Quod modo cernua foemineis  
Vipera proteritur pedibus.  
Edere nanq; Deum merita  
Omnia uirgo uenena domat,  
Tractibus anguis inexplicitis  
Virus inermis piger reuomit,  
Gramine concolor in uiridi.  
Quae feritas modo non trepidat,  
Territa de grege candidulo?  
Impaudas lupus inter oues  
Tristis obambulat, & rabidum  
Sanguinis immemor os cohibet.  
Agnus enim uice mirifica  
Ecce leonibus imperitat,  
Exagitantq; truces aquilas  
Per uaga nubila, perq; notos  
Sydere lapsa columba fugat.  
Tu mihi Christe columba potens,  
Sanguine pasta cui cedit auis.  
Tu niueus per ouile tuum  
Agnus hiare lupum prohibes,  
Sub iuga tigridis ora premens.  
Da locuples Deus hoc famulis  
Rite precantibus, ut tenui  
Membra cibo recreata leuent,  
Neu piger immodicis dapibus  
Viscera \* tanta grauet stomachus.  
Haustus amarus abesto procul,

tensa.

B 2

Ncc



Nec libeat tetigisse manus  
Exitiale quid, aut uetitum,  
Gustus & ipse modum teneat,  
Sospitet ut iecur incolume.  
Sit satis anguibus horrificis,  
Liba quod impia corporibus  
Ah miseram peperere necem.  
Sufficiat semel ob facinus  
Plasma Dei potuisse mori.  
Oris opus, uigor igneolus  
Non moritur, quia flante Deo  
Compositus, superoq; fluens  
De solio patris artificis,  
Vim liquidæ rationis habet.  
Viscera mortua, quinetiam  
Post obitum reparare datur,  
Eq; suis iterum tumulis  
Prisca renascitur effigies,  
Pulueres coeunte situ.  
Credo equidem, neq; uana fides,  
Corpora uiuere more animæ:  
Nam modo corporeum meminî  
De Phlegetonte gradu facili  
Ad superos remeasse deum.  
Spes eadem membra mea manet,  
Quæ redolentia funereo  
Iussa quiescere sarcophago.

Dux



Dux \* parilis rediuiuus homo  
Ignea Christus ad astra uocat.

\* parili rediui-  
uus humo.

H Y M N V S P O S T C I B V M .

Metrum monocolon hendecasyllabum Phaletium, con-  
stans Spondeo, Dactylo, & tribus Trochæis, hoc modo.

--      - u u      - u      - u      - u

**P** Astis uisceribus, ciboq; sumpto,  
Quem lex corporis imbecilla poscit,  
Laudem lingua deo patri rependat :

Patri, qui Cherubim sedile sacrum,  
Nec non & Seraphim suum supremo  
Subnixus solio tenet regitq;.

Hic est, quem Sabaoth deum uocamus,  
Expers principij, carensq; sine  
Rerum conditor, & repertor orbis.

Fons uitæ liquida fluens ab arce,  
Infusor fidei, sator pudoris,  
Mortis perdomitor, salutis author.

Omnes quod sumus, aut uigemus, inde est,  
Regnat spiritus ille sempiternus,  
A Christo simul & parente missus.

Intrat pectora candidus pudica,  
Quæ templi uice consecrata vident,  
Postquam combiberint deum medullis.

Sed si quid uicij, doliue nasci  
Inter uiscera iam dicata sensit,  
Ceu spurcum, refugit celer sacellum.

B

3

Tetrus



Tetrum flagrat enim uapore crasso  
Horror conscius æstuante culpa,  
Offensumq; bonum niger repellit.  
Nec solus pudor, innocensq; uotum  
Templum constituunt perenne Christo  
In cordis medij sinu, ac recessu.  
Sed ne crapula ferueat cauendum est,  
Quæ sedem fidei cibus refertam  
Vsq; ad congeriem coarctet intus.  
Parcis uictibus expedita corda  
Infusum melius deum receptant,  
Hic pastus animæ est, saporq; uerus.  
Sed nos tu gemino fouens paratu,  
Artus, atq; animas utroq; pastu  
Confirmas pater, ac uigore completes.  
Sic olim tua præcluens potestas,  
Inter raucisonos situm leones  
Illapsis dapibus uirum refouit.  
Illum fusile numen execrantem,  
Et curuare caput sub expolita  
Aeris materia nefas putantem.  
Plebs diræ Babylonis, ac tyrannus  
Morti subdiderant, feris dicarant,  
Sæuis protinus haustibus uorandum.  
O semper pietas, fidesq; tuta,  
Lambunt indomiti uirum leones,  
Intactumq; Dei tremunt alumnium.  
Astant comminus, et iubas reponunt,

Mansuescit



Mansuescit rabies, fameq; blanda  
Prædam rictibus lambit incruentis.  
Sed cum tenderet ad superna palmas,  
Expertumq; sibi deum rogaret,  
Clausus iugiter, indigensq; uictu,  
Iussus nuncius aduolare terris,  
Qui pastum famulo daret probato,  
Raptum desilit obsequente mundo.  
Cernit forte procul dapes inemptas,  
Quas messoribus Abbacuc propheta  
Agresti bonus exhibebat arte.  
Huius cesarie manu prehensa,  
Plenis sicut erat grauem canistris  
Suspensum rapit & uehit per auras.  
Tum raptus simul ipse, prandiumq;  
Sensim labitur in lacum leonum,  
Et quas tunc epulas gerebat, offert.  
Sumas letus ait, libensq; carpas,  
Quæ summus pater, angelusq; Christi  
Mittunt liba tibi sub hoc periculo.  
His sumptis, Danielus excitauit  
In coelum faciem, ciboq; fortis  
Amen reddidit, alleluia dixit.  
Sic nos muneribus tuis refecti,  
Largitor deus omnium bonorum  
Grates reddimus & sacramus hymnos,  
Tu nos tristifico uelut tyranno,  
Mundi scilicet impotentis actu

B 4      Conclusos,



Conclusos, regis, & feram repellis.  
Quæ circumfrenit, ac uorare tentat,  
Insanos acuens furore dentes,  
Cum te summe deus precemur unum.  
Vexamur, premimur, malis rotamur,  
Oderunt, lacerant, trahunt, lacesunt,  
Iuncta est supplicij fides iniquis.  
Nec deficit tamen anxij medela,  
Nam languente trucis leonis ira,  
Illapse superingeruntur escæ.  
Quas si quis sitienter hauriendo  
Non gustu tenui, sed ore pleno,  
Internis uelit implicare uenis.  
Hic sancto satiatus ex propheta,  
Iustorum capiet cibos uirorum,  
Qui fructum domino metunt perenni.  
Nil est dulcius ac magis saporum,  
Nil quod plus hominem iuuare possit,  
Quam uatis pia præcipientis orsa.  
His sumptis licet insolens potestas  
Prauum iudicet, irrogetq; mortem,  
Impasti licet irruant leones.  
Nos semper dominum patrem fatentes,  
In te Christe deus loquemur unum,  
Constanterq; tuam crucem feremus.

H Y M N U S A D I N C E N S V M

cerei paschalis.

Carmen monoclon Choriambicum Asclepiadicum,  
Tetrametrum



Tetrametrum. Acatalecticum, constans Spondeo, duobus  
Choriambis, Pyrrhichio uel Iambo, hoc modo.

-- -uu- -uu- uu

**I**nuentor rutili dux bone luminis,  
Qui certis uicibus tempora diuidis,  
Merso sole chaos ingruit horridum,  
Lucem Christe tuis redde fidelibus.  
Quamuis innumero sydere regiam,  
Lunariq; polum lampade pinxeris,  
Incussu silicis lumina nos tamen  
Monstras saxigeno semine quærere.  
Hoc signas opere conditor inclyte,  
Lumen ueridicum mentibus omnium,  
In Christo domino quærere iugiter,  
Quem petram loquitur doctor egregius.  
Ne nesciret homo spem sibi luminis  
In Christi solido corpore conditam,  
Qui dici stabilem se uoluit petram,  
Nostris igniculis unde genus uenit.  
Pingui quos olei rore madentibus  
Lychnis aut facibus pascimus aridis,  
Quin & fila fauis scirpea floreis  
Presso melle prius collita fingimus.  
Viua flamma uiget, seu caua testula  
Succum linteolo suggerit ebrio,  
Seu pinus picem fert alimoniam,  
Seu ceram teretem stuppa calens bibit.  
Nectar de liquido uertice feruidum

B 5

Guttatim



Guttatim lachrymis stillat \* alentibus, \* olentibus  
Ambustum, quoniam uis facit ignea  
Imbrem de madido flere cacumine.  
Splendent ergo tuis muneribus pater  
Flammis mobilibus scilicet atria,  
Absentemq; diem lux agit emula,  
Quam nox cum lacero uicta fugit peplo.  
Sed quis non rapidi luminis arduam,  
Manantemq; Deo cernat originem?  
Moses nempe Deum spinihero in rubo  
Vidit conspicuo lumine flammicum.  
Fœlix qui meruit sentibus in sacris  
Cœlestis solij uisere principem,  
\* Iussus nexa pedum uincula soluere, \* Hostis  
Ne sanctum inuolucris pollueret locum.  
Hunc ignem populus sanguinis inclyti  
Maiorum meritis tutus, & impotens,  
Suetus sub dominis uiuere barbaris,  
Iam liber sequitur longa per auia:  
Qua gressum tulerant, castraq; cerule  
Noctis per medium concita mouerant,  
Plebem peruigilem fulgure præuio  
Ducebat radius sole micantior.  
Sed rex Niliaci littoris, inuido  
Feruens felle, iubet præualidam manum  
In bellum rapidis ire cohortibus,  
Ferratasq; acies clangere classicum.  
Sumunt arma uiri, seq; minacibus  
Accingunt



Accingunt gladijs, triste canit tuba,  
Hic fudit iaculis, ille uolantia  
Præfigit calamis spicula Gnosijs,  
Densatur cuneis turba pedestribus,  
Currus pars, & equos, & uolucres rotas  
Conscendunt celeres, signaq; bellica  
Prætendunt tumidis clara draconibus.  
Hinc iam seruitij nescia pristini  
Gens Pelusiæcæ usta uaporibus,  
Tandem purpurei gurgitis hospita  
Rubris littoribus fessa resederat.  
Hostis dirus adest cum duce perfido,  
Infert & ualidis prælia uiribus.  
Moses porro suos in mare præcipit  
Constans, intrepidus tendere gressibus.  
Præbent rupta locum stagna uiantibus,  
Riparum in faciem peruia, sistitur  
Circumstans uitreis unda liquoribus,  
Dum plebs sub bifido permeat æquore.  
Pubes quinetiam decolor asperis  
Irritata odijs, rege sub impio,  
Hebreum sitiens fundere sanguinem  
Audet se pelago credere concauo.  
Ibant præcipiti turbine percita  
Fluctus per medios agmina regia.  
Sed confusa dehinc unda reuoluitur  
In semet reuolans gurgite confluo.  
Currus tunc, & equos, telaq; naufraga,

Ipsos



Ipsos & proceres, & uaga corpora  
Nigrorum uideas nare satellitum,  
Arcis iustitium triste tyrannicæ.  
Quæ tandem poterit lingua retexere  
Laudes Christe tuas? qui donitum Pharon  
Plagis multimodis cedere præfili  
Cogis iusticiæ, uindice dextera,  
Qui pontum rapidis æstibus inuium  
Persultare uetas, ut resluo in salo  
Securus pateat te duce transitus,  
Et mox unda rapax ut uoret impios.  
Cui ieiuna uia saxa madentibus  
Exundant scatebris, & latices novos  
Fundit scissa silex, quæ sitientibus  
Dat potum populis axe sub igneo.  
Instar fellis aqua tristifico in lacu  
Fit ligni uenia mel uelut Atticum,  
Lignum est, quo sapiunt aspera dulcius,  
Nam præfixa cruci spes hominum uiget.  
Implet castra cibus tunc quoq; pinguidus,  
Illabens gelida grandine densius,  
His mensas epulis, hac dape construunt,  
Quam dat sydereo Christus ab æthere.  
Nec non imbrifero uentus anhelitu  
Crassa nube leues inuehit alites,  
Quæ diffolata in humum cum semel agmina  
Fluxerunt, reduci non reuolant fuga.  
Hæc olim patribus præmia contulit

Insignis



Insignis pietas numinis unici,  
Cuius subsidio nos quoq; uescimur,  
Pascentes dapibus pectora mysticis.  
Fessos ille uocat per freta seculi,  
Discissis populum turbibus regens.  
Ereptasq; animas mille laboribus  
Iustorum in patriam scandere præcipit.  
Illic purpureis tecta rosarijs  
Omnis fragrat humus, caltaq; pinguis  
Et molles uiolas, & tenues crocos  
Fundit fonticulis unda fugacibus.  
Illic & gracili balsama furculo  
Desudata fluunt, raraq; cinnama  
Spirant, & folium, fonte quod abdito,  
Prælabens fluuius portat in exitum.  
Fœlices animæ prata per herbida  
Concentu parili suaue sonantibus  
Hymnorum modulis dulce canunt melos,  
Calcant & pedibus lilia candidis.  
Sunt & spiritibus sepe nocentibus  
Pœnarum celebres sub styge ferie,  
Illa nocte sacer qua redijt deus  
Stagnis ad superos ex Acheronticis.  
Non sicut tenebras de face fulgida  
Surgens Oceano lucifer imbuit,  
Sed terris domini de cruce tristibus  
Maior sole nouum restituens diem.  
Marcant supplicijs tartara mitibus,

Exultatq;



Exultatq; sui carceris ocio  
Umbrarum populus, liber ab ignibus,  
Nec feruent solito flumina sulphure.

Nos festis trahimus per pia gaudia

*vigilantibus* Noctem concilijs, uotaq; prospera  
Certatim uigili congerimus prece,

Extractoq; agimus liba sacrario,

Pendent mobilibus lumina funibus,

Que suffixa micant per laquearia,

*natalia vest* Et de languidulis fata natalibus

*qua uocat* Lucem perspicuo flamma iacit uitro.

Credas stelligeram desuper arcam

Ornatam geminis stare trionibus,

*duxit fides* Et qua Phosphoreum temo regit iugum

Passim purpureos spargier hesperos.

O res digna Deus, quam tibi roscida

Noctis principio grex tuus offerat

Lucem, qua tribuis, nil preciosius

Lucem, qua reliqua premia cernimus.

*Ego p* Tu lux uera oculis, lux quoq; sensibus,

*lingua* Intus tu speculum, tu speculum foris,

Lumen, quod famulans offero, suscipe,

*parisi qd uenit* Tinctum pacifici chrisimatis unguine.

*prate. ole* Per Christum genitum summe pater tuum,

In quo uisibilis stat tibi gloria,

Qui noster dominus, qui tuus unicus

Spirat de patrio corde paraclitum.

Per quem splendor, honos, laus, sapientia,

Maestas



Maestas, bonitas, & pietas tua  
Regnum continuat numine triplici,  
Texens perpetuis secula seculis,

H Y M N U S A N T E S O M N U M.

Dimetrum Iambicum Anacreonticum Catalecticum  
monocolon tetrastraphon, constans tribus pedibus, &  
semipede. Primo enim loco habet Iambum uel Spon-  
dæum promiscue, secundo Iambum, tertio Iambum uel  
Spondæum, hoc modo.

u -      u -      u -      u  
- -      u -      - -      u

**A** Des pater supreme,  
Quem nemo uidit unquam,  
Patrisq; sermo Christe,  
Et spiritus benigne.

O trinitatis huius  
Vis una, lumen unum,  
Deus ex deo perennis,  
Deus ex utroq; missus.  
Fluxit labor diei,  
Redit quietis hora,  
Blandus sopor uicissim  
Fessos relaxat artus.  
Mens æstuans procellis  
Curisq; sauciata,  
Totis bibit medullis  
Obliuiale poculum.  
Serpit per omne corpus

Lethæa



Lethæa uis, nec ullum  
Miseris doloris ægri  
Patitur manere sensum.  
**Lex hæc data est caducis**  
Deo iubente membris,  
Ut temperet laborem  
Medicabilis uoluptas.  
**Sed dum pererrat omnes**  
Quies amica uenas  
Pectusq; feriatum  
Placat rigante somno.  
**Liber uacat per auras**  
Rapido uigore sensus,  
Variasq; per figuras,  
Quæ sunt operta cernit.  
**Quia mens soluta curis,**  
Cui est origo cœlum,  
Purusq; fons ab æthra  
Iners iacere nescit.  
**Imitata multiformes**  
Facies, sibi ipsa fingit,  
Per quas repente currens,  
Tenui fruatur actu.  
**Sed sensa somniantum.**  
Dispar fatigat horror,  
Nunc splendor intererrat,  
Qui dat futura nosse.  
**Plerunq; dissipatis**

Mendax



Mendax imago ueris,  
Animos pauore mœstos  
Ambage fallit atra.  
Quem rara culpa morum  
Non polluit frequenter,  
Hunc lux serena uibrans  
Res edocet latentes,  
At qui coinquinatum  
Vitijs cor impiauit,  
Lusus pauore multo  
Species uidet tremendas.  
Hoc patriarcha noster  
Sub carceris catena  
Geminis simul ministris  
Interpres adprobauit.  
Quorum reuersus unus  
Dat poculum tyranno,  
Ast alterum rapaces  
Fixum uorant uolucres.  
Ipsam deinde regem  
Perplexam somniantem,  
Nouit famem futuram  
Clausis cauere aceruis.  
Mox præsul ac tetrarches  
Regnum per omne iussus  
Sociam tenere uirgam,  
Domina resedit aula,  
O quam profunda iustis

©

Arcana

142



Arcana, per soporem  
Aperit tuenda Christus,  
Quàm clara, quàm tacenda.  
Euangelista summi  
Fidissimus magistri,  
Signata quæ latebant  
Nebulis uidet remotis.  
Ipsum tonantis agnum  
De cæde purpurantem,  
Qui conscium futuri  
Librum resignat unus.  
Huius manum potentem  
Gladius perarmat anceps,  
Et fulgurans utrinq;  
Duplicem minatur ictum.  
Quæsitore ille solus  
Animæq; corporisq;,  
Ensisq; bis timendus  
Prima, ac secunda mors est.  
Idem tamen benignus  
Vltor, retundit iram,  
Paucosq; non piorum  
Patitur perire æuum.  
Huic inclytus perenne  
Tribuit pater tribunal  
Hunc obtinere iussit  
Nomen, supra omne nomen.  
Hic præpotens cruenti  
Extinctor



Extinctor Antichristi,  
Qui de furente monstro  
Pulchrum refert trophaeum.  
Quam bestiam capacem,  
Populosq; deuorantem,  
Quam sanguinis charybdim  
Ioannes execratur.

Hec nempe, quae sacratum  
Praefere nomen ausa,  
Imam petit gehennam,  
Christo perempta uero.

Tali sopore iustus  
Mentem relaxat heros,  
Vt spiritu sagaci  
Coelum peragret omne.

Nos nil meremur horum,  
Quos creber implet error,  
Concreta quos malarum  
Vitiat cupido rerum.

Sat est quiete dulci  
Fessum fouere corpus,  
Sat si nihil sinistrum  
Vanae minentur umbrae.

Cultor dei memento  
Te fontis & lauacri  
Rorem subisse sanctum,  
Te chrismate innouatum.

Eae cum uocante somno



Castum petis cubile,  
Frontem, locumq; cordis  
Crucis figura signet.  
CruX pellit omne crimen,  
Fugiunt crucem tenebræ,  
Tali dicata signo  
Mens fluctuare nescit.  
Procul ô procul uagantum  
Portenta somniorum,  
Procul esto peruicaci  
Prestigiator astu.  
O tortuose serpens,  
Qui mille per Meandros,  
Fraudesq; flexuosas  
Agitas quietâ corda.  
Discede, Christus hic est,  
Hic Christus est, liqueſce,  
Signum, quod ipse nosti,  
Damnât tuam cateruam.  
Corpus licet fatiscens  
Iaceat recline paulum,  
Christum tamen sub ipſo  
Meditabimur ſopore.

H Y M N U S I E I V N A N T I V M.

Carmen monocolon Iambicum, ſenarium, acatalecti-  
cum, locis imparibus habens Spondæum, Anapeſtum,  
Iambum, Tribrachum: Paribus uero Iambum, & non  
nunquam Anapeſtum. Eius ſpecimen, ſi uoles, licebit  
mutuare



mutuari ex primo hymno : Senex fidelis.

**O** Nazarene dux Bethleem, uerbum patris,

Quem partus alui uirginalis protulit,

Adesto castis Christe parsimonijs,

Festumq; nostrum rex serenus aspice,

Ieiuniorum dum litamus uictimam.

Nihil hoc profecto purius mysterio,

Quo fibra cordis expiatur liuidi,

Intemperata quo domantur uiscera

A ruina, putrem ne resudamus crapulam

Obstrangulatæ mentis ingenium premat.

Hinc subiugatur luxus, & turpis gula,

Vini atq; somni degener socordia,

Libido sordens, inuerecundus lepos,

Variaq; pestes languidorum sensuum,

Parcam subactæ disciplinam sentiunt.

Nam si licenter diffluens potu, & cibo,

Iciuna rite membra non coerceas,

Sequitur, frequenti marcida oblectamine,

Scintilla mentis ut tepescat nobilis,

Animusq; pigris stertat ut præcordijs.

Frenentur ergo corporum cupidines,

Detersa ut intus emicet prudentia,

Sic excitato perspicax acumine,

Liberq; flatu laxiore spiritus

Rerum parentem rectius precabitur.

Helias tali creuit obseruantia

Vetus sacerdos, ruri hospes aridi,

C 3

Fragore

*Bethleem no  
est uirginis  
qua eff. ca. 106*

Etia  
um,  
on-  
ebit  
tare



Fragore ab omni quem remotum & segregem  
Spreuisse tradunt criminum frequentiam,  
Casto fruente Syrtium silentio.

Sed mox in auras igneis iugalibus,  
Curruq; raptus euolauit præpeti,  
Ne de propinquo sordium contagio  
Dirus quietum mundus afflaret uirum.  
Olim probatis inclytum ieiunijs.

Non ante coeli principem septemplicis  
Moses tremendi fidus interpretis throni  
Potuit uidere, quam decem recursibus  
Quater uolutis sol peragrans sydera  
Omni carentem cerneret substantia.

Victus precantis solus in lachrymis fuit.  
Nam flendo pernox, irrigatum puluerem  
Humi madentis ore pressit cernuo,  
Donec loquentis uoce perstrictus dei,  
Expauit ignem non ferendum uisibus.

Ioannes huius artis haud minus potens,  
Dei perennis præcucurrit filium,  
Curuos uiarum qui retorsit tramites,  
Et flexuosa corrigens dispendia,  
Dedit sequendam calle recto lineam.

*obsequium*  
Hanc obsequelam præparabat nuncius  
Mox affuturo construens iter deo,  
Cliuosa planis, confragosa ut lenibus  
Conuerterentur, neue quicquam deuium.  
Illapsa terris inueniret ueritas.

Not



*Ioan*

Non usitatis ortus hic natalibus,  
Oblita lactis iam uieto in pectore  
Matris tetendit serus infans ubera,  
Nec ante partu de senili effusus est,  
Quam prædicaret uirginem plenam deo  
Post in patentis ille solitudines,  
Amictus hirtis bestiarum pellibus,  
Setisue tectus, hispida & lanugine,  
Secessit, horrens inquinari, & pollui  
Contaminatis oppidorum moribus.  
Illic dicata parcus abstinentia  
Potum, cibumq; uir seueræ industriæ  
In usq; serum respuebat uesterum,  
Parum locustis & fauolum agrestium  
Liquore pastum corpori suetus dare.  
Hortator ille primus, & doctor nouæ  
Fuit salutis, nam sacro in flumine  
Veterum piatas lauit errorum notas,  
Sed tincta postquam membra defecauerat,  
Cælo refulgens insuebat spiritus.  
Hoc ex lauacro labe dempta criminum,  
Ibant renati non secus, quàm si rudis  
Auri recocta uena pulchrum splendeat,  
Micet metalli siue lux argentei,  
Sudum polito prænitens purgamine.  
Referre prisca stemma nunc ieiunij  
Libet, fideli proditum uolumine,  
Ut diruendæ ciuitatis incolis

*lanugine et, ut  
vobis primario*

*Et quædam huius*

*Renouat*

C 4

Fulmen



**Fulmen benigni mansuctum patris**  
Pie repressis ignibus pepercerit.  
**Gens insolenti præpotens iactantia**  
Pollebat olim, quam fluentem nequiter  
Corrupta uulgo soluerat lasciuiam,  
Et inde bruto contumax fastidio,  
Cultum superni negligebat numinis.  
**Offensa tandem iugis indulgentiæ**  
Censura, iustis excitatur motibus,  
Dextram perarmat rompheali incendio,  
Nimbos crepantes, & fragosos turbines  
Vibrans, tonantum nube flammarum quatit.  
**Sed pœnitendi dum datur diecula,**  
Si forte uellent improbam libidinem,  
Veteresq; nugas condomare, ac frangere,  
Suspendit ictum terror exorabilis,  
Paulumq; dicta substitit sententia.  
**Ionam prophetam mitis ultor excitat,**  
Pœnæ imminentis iret ut prænuncius:  
Sed nosset ille cum minacem iudicem  
Seruare malle, quàm ferire, ac plectere,  
Tectam latenter uertit in Tharsos fugam.  
**Celsam paratis pontibus scandit ratem,**  
Vdo reuincta sunc puppis soluitur,  
Itur per altum, fit procellosum mare,  
Tum caussa tanti quæritur periculi,  
Sors in fugacem missa uatem decidit.  
**Iussus perire solus è cunctis reus,**

Cuius



Cuius uoluta crimen urna expresserat,  
Præceps rotatur, & profundo immergitur,  
Exceptus inde beluinis faucibus,  
Alui capacis uiuus hauritur specu.  
Transmissa raptim præda, cassos dentium  
Eludit ictus, incruentam transuolans  
Impune linguam, ne retentam mordicus,  
Offam molares dissecarent uiuidi,  
Os omne transit, & Palatum præterit.  
Ternis dierum, ac noctium processibus  
Mansit sermo deuoratus gutture,  
Errabat illic per latebras uiscerum,  
Ventris recessus circumibat tortiles  
Anhelus, extis intus æstuantibus.  
Intactus exim tertiæ noctis uice,  
Monstri uomentis pellitur singultibus,  
Qua murmuranti sine fluctus frangitur,  
Salsosq; candens spuma tundit pumices,  
Ructatus exit, seq; seruatum stupet.  
In Nimiuitas se coactus percito  
Gressu reflectit, quos ut increpauerat  
Pudenda censor imputans obprobria,  
Impendet, inquit, ira summi uindictis,  
Vrbemq; flamma mox cremabit, credite.  
Apicem deinceps ardui montis petit,  
Visurus inde conglobatum turbidæ,  
Fumum ruinae, cladis & diræ struem,  
Tectus flagellis multimodis germinis,

C 5

Nato

iuo





Nato & repente perfruens umbraculo.  
Sed moesta postquam ciuitas uulnus noui  
Hausit doloris, heu supremum palpitat,  
Cursant per ampla congregatim moenia  
Plebs, & senatus, omnis ætas ciuium,  
Pallens iuuentus, eiulantes foeminae.  
Placet frementem publicis ieiunijs  
Placare Christum, mos edendi spernitur.  
Glaucos amictus induit monilibus  
Matrona demptis, proq; gemma, & serico  
Crimem fluentem sordidus spargit cinis.  
Squalent recincta ueste pullati patres,  
Setasq; plangens turba sumit textiles,  
Impexa uillis uirgo bestialibus,  
Nigrante uultum contegit uelamine,  
Iacens harenis & puer prouoluitur.  
Rex ipse, Chios æstuantem murices  
Lena reuulsa dissipabat fibula  
Gemma uirentes, & lapillos sutiles,  
Insigne frontis exuebat uinculum  
Turpi capillos impeditos puluere.  
Nullus bibendi, nemo uescendi memor,  
Ieiuna mensas pubes omnis liquerat,  
Quin & negato lacte uagientium  
Fletu madescunt paruulorum cunulae,  
Succum papillæ parca nutrix denegat.  
Greges & ipsos claudit armentalium  
Solers uirorum cura, ne uagum pecum

Contingat



Contingat ore rorulenta gramina,  
Potum strepentis neue fontis hauriat,  
Vacuis quærelæ personant præsepibus.  
Mollitus his, & talibus, breuem deus  
Iram refrenat, temperans oraculum  
Prosper sinistrum, prona nam clementia  
Haud difficulter supplicem mortalium  
Solvit reatum, sitq; faulrix flentium  
Sed cur uetustæ gentis exemplum loquor?  
Pridem caducis cum grauatus artubus  
Iesus: dicato corde ieiunauerit,  
Prænuncupatus ore qui prophético  
Emanuel est, siue nobiscum Deus.  
Qui corpus istud molle naturaliter  
Captumq; laxo sub uoluptatum iugo,  
Virtutis arcta lege fecit liberum,  
Emancipator seruiantis plasmat,   
Regnantis ante uictor & cupidinis.  
In hospitali nanq; secretus loco  
Quinis diebus octies labentibus,  
Nullam ciborum uindicauit gratiam,  
Firmans salubri scilicet ieiunio  
Vas appetendis imbecillum gaudijs.  
Miratus hostis posse limum tabidum  
Tantum laboris sustinere, ac perpeti,  
Explorat arte sciscitator callida,  
Deus ne membris sit receptus terreis,  
Sed increpata fraude post tergum ruit.

r  
Hoc



**Hoc nos sequamur quisq; nunc pro uiribus,**  
Quod consecrati tu magister dogmatis,  
Tuis dedisti Christe sectatoribus,  
Ut cum uorandi uicerit libidinem,  
Late triumphet imperator spiritus.

**Hoc est quod atri liuor hostis inuidet,**  
Mundi poli q; quod gubernator probat,  
Altaris aram quod facit placabilem,  
Quod dormientis excitat cordis fidem,  
Quod limat ægram pectorum rubiginem.

**Perfusa non sic anne flamma extinguitur,**  
Nec sic calente sole tabescunt niues,  
Ut turbidarum scabra culparum seges  
Vanescit almo trita sub ieiunio,  
Si blanda semper misceatur largitas.

**Est quippe & illud grande uirtutis genus,**  
Operire nudos, indigentes pascere,  
Opem benignam ferre supplicantibus,  
Vnam, parem q; sortis humanæ uicem  
Inter potentes atq; egenos ducere.

**Satis beatus quisq; dextram porrigit,**  
Laudis rapacem, prodigam pecuniæ,  
Cuius sinistra dulce factum nesciat,  
Illum perennes protinus complent opes,  
Ditat q; fructus foenerantem centuplex.

**H Y M N U S P O S T I E I V N I V M.**  
Carmen Sapphicum, hendecasyllabum, constans Tro-  
cheo, Spōdeo, dactylo, & duobus Trocheis, hoc modo.



- u - - - u u - u - u  
Quartus uero quisq; Adonius est, constans Dactylo,  
& Spondeo, hoc modo.

- u u - -  
**C**hriste seruatorum regimen tuorum,  
Mollibus qui nos moderans habenis,  
Leniter frenas, faciliq; septos  
Lege coërces.

Ipsè cum portans onus impeditum  
Corporis, duros tuleris labores,  
Maior exemplis, famulos remisso  
Dogmate palpas.

Nona summissum rotat hora solem,  
Partibus uixdum tribus euolutis,  
Quarta deuexo superest in axe  
Portio lucis.

Nos breuis uoti dape uindicata *propria*  
Soluimus festum, fruimurq; mensis  
Affatim plenis, quibus imbuatur  
Prona uoluptas.

Tantus æterni fauor est magistri,  
Doctor indulgens ita nos amico  
Lactat hortatu, leuis obsequela ut  
Mulceat artus.

Addit, & ne quis uelit inuenusto  
Sordidus cultu lacerare frontem,  
Sed decus uultus, capitisq; pexum  
Comat honorem.

Terge



Terge ieiunans, ait, omne corpus,  
Neue subducto faciem rubore  
Luteus tingat color, aut notetur  
Pallor in ore.

Rectius læto tegimus pudore  
Quicquid ad cultum patris exhibemus,  
Cernit occultum deus, & latentem  
Munere donat.

Ille ouem morbo residem, gregiꝫ;  
Perditam sanat male dissipantem  
Vellus adfixis uepribus per hirtæ  
Deuia syluæ.

Impiger pastor reuocat, lupisꝫ;  
Gestat exclusis humeros grauatus,  
Inde purgatam reuehens aprico  
Reddit ouili.

Reddit & pratis, uiridiꝫ; campo  
Vibrat implexis ubi nulla lapis  
Spina, nec germen sudibus perarmat  
Carduus horrens.

Sed frequens palmis nemus, & reflexa  
Vernat herbarum coma, tum perennis  
Gurgitem uiuis uitreum fluentis  
Laurus obumbrat.

Hisce pro donis tibi fide pastor,  
Seruitus quæ nam poterit rependi?  
Nulla compensant precium salutis  
Vota precantum.

Quamlibet



Quamlibet spreto sine mora pastu  
Sponte confectos tenuemus artus,  
Teq; contemptis epulis rogemus  
Nocte, dieq;  
Vincitur semper minor obsequentum  
Cura, nec munus genitoris aequat,  
Frangit in cratem luteam laboris  
Grandior usus.  
Ergo ne limum fragilem soluta  
Deserant vires, & aquosus albis  
Humor in uenis dominetur, aegrum  
Corpus eneruans.  
Laxus, ac liber modus abstinendi  
Ponitur cunctis, neq; nos seuerus  
Terror impellit, sua queng; cogit  
Velle potestas.  
Sufficit quicquid facias uocato  
Numinis nutu prius, inchoare,  
Siue tu mensam renuas, cibumq;  
Sumere tentes.  
Annuit dexter deus, & secundo  
Prosperat uultu, uelut hoc salubre  
Fidimus nobis fore, quod dicatas  
Carpimus escas.  
Sit bonum supplex precor, & medelam  
Conferat membris, animumq; pascat  
Sparsus in uenas cibus obsecrantum  
Christicolarum.

HYMNUS



H Y M N V S O M N I H O R A .

Carmen Trochaicum, tetrametrum, monocolon, tri-  
strophon, catalecticum: Paribus locis habet Trochaum,  
Spondæum, et nonnunquam Anapestum: Imparibus Tro-  
chaum, Tribrachum, & Dactylum, hoc modo.

- u      - -      - u      - -  
- u      - u      - u u

**D**A puer plectrum, choreis  
Ut canam fidelibus,  
Dulce carmen, & melodum,  
Gesta Christi insignia,  
Hunc canoena nostra solum  
Pangat, hunc laudet lyra.  
Christus est, quem rex sacerdos  
Ad futurum protinus  
Infulatus concinebat  
Voce, chorda, & tympano,  
Spiritus caelo influentem  
Per medullas hauriens,  
Facta nos etiam probata  
Pangimus miracula,  
Testis est orbis, nec ipsa  
Terra, quod uidit, negat,  
Comminus deum docendis  
Proditum mortalibus.  
Corde natus ex parentis,  
Ante mundi exordium,  
Alpha & ω cognominatur.

1250



Ipsē fons, & clausula,  
Omnium, quis sunt, fuerunt,  
Quæq; post futura sunt.

Ipsē iussit, & creata,  
Dixit ipse, & facta sunt,  
Terra, cœlum, fossa pontis,  
Trima rerum machina,  
Quæq; in his uigent sub alto  
Solis, & lunæ globo.

Corporis formam caduci,  
Membra morti obnoxia  
Induit, ne gens periret  
Primo plasti ex germine,  
Merferat quem lex profundo  
Noxialis tartaro.

O beatus ortus ille,  
Virgo cum puerpera  
Edidit nostram salutem,  
Fœta sancto spiritu,  
Et puer redemptor orbis  
Os sacratum protulit.

Pfallat altitudo cœli,  
Pfallant te omnes angeli,  
Quicquid est uirtutis usquam  
Pfallat in laudem Dei:  
Nulla linguarum silescat,  
Vox & omnis consonet.

Ecce quem uates uetustis

**D** Concinebant



Concinebatur seculis,  
Quem prophetarum fideles  
Paginae sponderant,  
Emicat, promissus olim,  
Cuncta collaudent eum.  
Cantharis infusa lympa  
Fit falernum nobile,  
Nunciat uinum minister  
Esse promptum ex hydria,  
Ipse rex sapore tinctis  
Obstupescit poculis.  
Membra morbis ulcerosa,  
Viscerum putredines  
Mando, ut abluantur, inquit,  
Fit ratum, quod iusserat,  
Turgidam cutem repurgant  
Vulnerum piamina.  
Tu perennibus tenebris  
Iam sepulta lumina  
Illinis limo salubri,  
Sacri & oris nectare  
Mox apertis, hac medela  
Lux reducta est orbibus.  
Increpas uentum furentem,  
Quod procellis tristibus  
Vertat equor fundo ab imo,  
Vexet & uagam ratem:  
Ille iussus obsecundat,

Mitis



Mitis unda sternitur,  
Extimum uestis sacratae  
Furtim mulier attigit,  
Protinus salus secuta est,  
Ora pallor deserit,  
Sistitur riuus, cruore  
Qui fluebat perpeti.  
Exitu dulcis iuuentae  
Raptum ephebum uiderat,  
Orba quem mater supremis  
Funerabat fletibus:  
Surge dixit, ille surgit,  
Matri & astans redditur.  
Sole iam quarto carentem,  
Iam sepulchro absconditum  
Lazarum iubet uigere  
Reddito spiramine,  
Foetidum iecur reductus  
Rursus intrat halitus.  
Ambulat per stagna ponti,  
Summa calcat fluctuum,  
Mobilis liquor profundi  
Pendulam praestat uiam,  
Nec fatiscit unda sanctis  
Pressa sub uestigijs.  
Suetus antro bustiali  
Sub catenis frendere,  
Mentis impios efferratis



**Percitus furoribus**  
Profilit, ruitq; supplex  
Christum adesse ut senserat.  
**Pulsa pestis lubricorum**  
Milleformis demonum  
Corripit gregis suilli  
Sordida spurcamina,  
Seq; nigris mergit undis,  
Ut pecus lymphaticum.  
**Fert qualis ter quaternis**  
Ferculorum fragmina,  
Affatim referta iam sunt  
Accubantum millia  
Quinq; panibus peresis,  
Et gemellis piscibus.  
**Tu cibus, panisq; noster,**  
Tu perennis suauitas,  
Nescit esurire in æuum  
Qui tuam sumit dapem,  
Nec lacunam uentris implet,  
Sed uouet uitalia.  
**Clausus aurium meatus,**  
Et sonorum nescius,  
Purgat ad præcepta Christi  
Crassa quæq; obstacula  
Vocibus capax fruendis,  
Ac susurris peruius.  
**Omnis ægritudo cedit,**

**Languor**



Languor omnis pellitur,  
Lingua fatur, quam ueterna  
Vinxerant silentia,  
Gestat & suum per urbem  
Letus eger lectulum.  
Quin & ipsum, ne salutis  
Inferi expertes forent,  
Tartarum benignus intrat.  
Fracta q̄; cedit ianua,  
Vectibus cadit reuulsus  
Cardo dissolubilis.  
Illa prompta ad irruentes,  
Ad reuertentes tenax,  
Obice retrorsum pulso  
Porta reddit mortuos  
Lege uersa, & limen atrum  
Iam recalcandum patet.  
Sed deus dum luce fulua  
Mortis antra illuminat,  
Dum stupentibus tenebris  
Candidum præstat diem,  
Tristia squalentis æthæ *corstymetq; aet*  
Palluerunt sydera: *syd. dunt*  
Sol refugit, & lugubri *---*  
Sordidus ferrugine  
Igneum reliquit axem,  
Seq̄; mœrens abdidit,  
Fertur horruisse mundus

D 3

Noctis



Noctis aeternae chaos.  
Solve uocem mens sonoram,  
Solve linguam mobilem,  
Dic trophaeum passionis,  
Dic triumphalem crucem,  
Pange uexillum notatis  
Quod resulget frontibus.  
O nouum caede stupenda  
Vulneris miraculum,  
Hinc cruoris fluxit unda,  
Lympha parte ex altera,  
Lympha nempe dat lauacrum,  
Tum corona ex sanguine est.  
Vidit anguis immolatam  
Corporis sacri hostiam,  
Vidit & fellis perusti,  
Mox uenenum perdidit,  
Saucius dolore multo  
Colla fractus sibilat.  
Quid tibi, profane serpens,  
Profuit rebus nouis  
Plasnea primum perculisse  
Versipelli astutia?  
Diluit culpam recepto  
Forma mortalis deo.  
Ad breuem se mortis usum  
Dux salutis dedit,  
Mortuosq; olim sepultos

Ut redire



Vt redire insuesceret,  
Dissolutis pristinorum  
Vinculis peccaminum.  
Hunc patres, sanctiq; multi  
Conditorem præuium  
Iam reuertentem secuti,  
Tertio demum die  
Carnis indumenta sumunt,  
Eq; bustis prodeunt.  
Cerneret coire membra  
De fauillis aridis,  
Frigidum uenis resumptis  
Puluerem tepescere,  
Ossa, neruos, ac medullas  
Glutino cutis tegi.  
Post ut occasum resoluit  
Vitæ, & hominem reddidit  
Arduum tribunal alti,  
Victor ascendit patris,  
Inclytam cœlo reportans  
Passionis gloriam.  
Maeste iudex mortuorum,  
Maeste rex uiuentium,  
Dexter in parentis arce  
Quid uis uirtutibus  
Omnium uenturus inde  
Iustus ultor criminum.  
Te senes, & te iuuentus,

D 4

Paruulorum



Paruulorum te chorus,  
 Turba matrum, uirginumq;  
 Simplices puellulae,  
 Voce concordēs pudicis  
 Perstrepant concentibus.  
 Fluminum lapsus, & undae,  
 Littorum crepidines,  
 Imber, aestus, nix, pruina,  
 Sylua, & aura, nox, dies,  
 Omnibus te conclebrent  
 Seculorum seculis.

HYMNVS IN EXEQVIIS  
 defunctorum.

Carmen monocolon Anapesticum, dimetrum, Cata-  
 lecticum, constat tribus anapestis & syllaba: Quamuis  
 Prudentius promiscue duabus prioribus sedibus Anape-  
 sto & Spondeo utatur, tertia uero Anapesto est pecu-  
 liaris, hoc modo.

UU -      UU -      UU -      -

**D**eus ignee fons animarum,  
 Duo qui socians elementa,  
 Viuum simul, ac moribundum

Hominem pater effigiasti.  
 Tua sunt, tua rector utraq;  
 Tibi copula iungitur horum,  
 Tibi dum uegetata cohærent,  
 Spiritus simul & caro uiuit.  
 Rescissa sed ista seorsum,

Proprios



Proprios reuocantur in ortus,  
Petit alter aethera feruens,  
Humus excipit arida corpus.  
Rescissa sed ista seorsum  
Soluunt hominem, perimuntq;  
Humus excipit arida corpus,  
Animæ rapit aura liquorem.  
Quia cuncta creata necesse est  
Tabefacta senescere tandem,  
Compactaq; dissociari,  
Et dissona texta retexi.  
Hanc tu deus optime mortem  
Famulis abolere paratus,  
Iter inuiolabile monstras,  
Quo perdit a membra resurgant.  
Ut dum generosa caducis,  
Ceu carcere clausa ligantur,  
Pars illa potentior extet,  
Quæ germen ab æthere traxit.  
Si terrea forte uoluntas  
Luteum sapit, & graue captat,  
Animus quoq; pondere uictus,  
Sequitur sua membra deorsum.  
At si generis memor ignis  
Contagia nigra recuset,  
Vehit hospita uiscera secum,  
Pariterq; reportat ad astra.  
Nam quod requiescere corpus

D 5 VACUUM



Vacuum sine mente videmus,  
Spacium breue restat, ut alti  
Repetat collegia sensus.  
Venient cito secula, cum iam  
Socius calor ossa reuisat,  
Animataq; sanguine uiuo  
Habitacula pristina gestet.  
Quæ pigra cadauera pridem  
Tumulis putrefacta iacebant,  
Volucres rapiuntur in auras,  
Animas comitata priores.  
Hinc maxima cura sepulchris  
Impenditur, hinc resolutos  
Honor ultimus accipit artus,  
Et funeris ambitus ornat.  
Candore nitentia claro  
Prætendere lintea mos est,  
Aspersaq; myrrha Sabæo  
Corpus medicamine seruat.  
Quid nam sibi saxa cauata?  
Quid pulchra uolunt monumenta?  
Res quod nisi creditur illis  
Non mortua, sed data somno?  
Hoc prouida christicolarum  
Pietas studet, utpote credens  
Fore protinus omnia uiua,  
Quæ nunc gelidus sopor urget.  
Qui iacta cadauera passim

Miserans



Miserans tegit aggere terræ,  
Opus exhibet ille benignum  
Christo pius omnipotenti.  
Quia lex eadem monet omnes  
Gemitum dare sorte sub una,  
Cognataq; funera nobis  
Aliena in morte dolere.  
Sancti sator ille Tobia,  
Sacer ac uenerabilis heros,  
Dapibus iam rite paratis  
Ius prætulit exequiarum.  
Iam stantibus ille ministris,  
Cyathos & fercula liquit,  
Studioq; accinctus humani,  
Fletu dedit ossa sepulchro.  
Veniunt mox præmia cælo,  
Preciumq; rependitur ingens,  
Nam lumina nescia solis  
Deus illita felle serenat.  
Iam tunc docuit pater orbis,  
Quàm sit rationis egena,  
Mordax & amara medela,  
Cum lux animum noua uexat.  
Docuit quoq; non prius illum  
Cælestia cernere regna,  
Quàm nocte & uulnere tristi  
Tollerauerit aspera mundi.  
Mors ipsa beatior inde est,

Quod



Quod per cruciamina læthi  
Via panditur ardua iustis  
Et ad astra doloribus itur.  
Sic corpora mortificata  
Redeunt melioribus annis,  
Nec post obitum recalescens  
Compago fatiscere nouit.  
Hæc quæ modo pallida tabo  
Color albidus inficit ora,  
Tunc flore uenustior omni  
Sanguis cute tingit amœna.  
Nam nulla deinde senectus  
Frontis decus inuida carpet,  
Macies neq; sicca lacertos  
Succo tenuabit adeſo.  
Morbus quoq; pestifer, artus  
Qui nunc populatur anhelos,  
Sua tunc tormenta resudans  
Luet inter uincula mille.  
Hunc eminus aère ab alto  
Victrix caro, iamq; perennis  
Cernet sine fine gementem,  
Quos mouerat ipse dolores.  
Quid turba superstes inepta  
Clangens ululamina miscet?  
Cur tam bene condita iura,  
Lucta dolor arguit amens?  
Iam mœsta quiesce querela,

Lachrymas



Lachrymas suspendite matres,  
Nullus sua pignora plangat,  
Mors hæc, reparatio uitæ est.  
Sic semina sicca uirescunt  
Iam mortua, iamq; sepulta,  
Quæ reddita cespite ab imo  
Veteres meditantur aristas.  
Nunc suscipe terra fouendum,  
Gremioq; hunc concipe molli,  
Homini tibi membra sequestro  
Generosa & fragmina credo.  
Animæ fuit hæc domus olim  
Factoris ab ore creatæ,  
Feruens habitauit in istis  
Sapientia principe Christo.  
Tu depositum tege corpus,  
Non immemor ille requiret  
Sua munera fidor, & author,  
Proprijq; enigmata uultus.  
Veniant modo tempora iusta,  
Cum spem deus impleat omnem,  
Reddas patefacta necesse est,  
Qualem tibi trado figuram.  
Non si cariosa uetustas  
Dissoluerit ossa fauillis,  
Fueritq; ciniculus arens,  
Minimi mensura pugilli.  
Nec si uaga flumina, & auræ

Vacuum



Vacuum per inane uolantes,  
Tulerint cum puluere neruos,  
Hominem periisse licebit.  
Sed dum resolubile corpus  
Reuocas deus, atq; reformas,  
Qua nam regione iubebis  
Animam requiescere puram?  
Gremio senis abdita sancti  
Recubabit, ut est Eleazar,  
Quem floribus undiq; septima  
Diues procul aspicit ardens.  
Sequimur tua dicta redemptor,  
Quibus atra morte triumphans,  
Tua per uestigia mandas  
Socium crucis ire latronem.  
Patet ecce fidelibus ampli  
Via lucida iam paradisi,  
Licet & nemus illud adire,  
Homini quod ademerat anguis.  
Illud precor optime ductor,  
Famulam tibi præcipe mentem  
Genitali in sede sacrari,  
Quam liquerat exul & errans.  
Nos tecta fouebimus ossa  
Violis, & fronde sequenti,  
Titulumq; & frigida saxa  
Liquido spargemus odore.

Hymnus



H Y M N V S O C T A V O K A L E N -  
das Ianuarias.

Carmen Iambicum, dimetrum, Acatalecticum, reci-  
piens locis imparibus Spondæum, & nonnunquam Ana-  
pestum: paribus uero Iambum, hoc modo.

u -      u -      - -      u -

**Q**uid est quod arctum circum  
Sol iam recurrens deserit?  
Christus ne terris nascitur,

Qui lucis auget tramitem?

Heu quàm fugacem gratiam

Festina uoluebat dies,

Quam penè subductam facem

Sensim recisa extinxerat.

Coelum nitescat letius,

Gratetur & gaudens humus,

Scandit gradatim denuo

Iubar priores lineas.

Emerge dulcis pufio,

Quem matris edit castitas,

Parens & expers coniugis

Mediator, & duplex genus.

Ex ore quamlibet patris

Sis ortus & uerbo editus,

Tamen paterno in pectore

Sophia

nus



Sophia calebas prius.  
Quæ prompta cœlum condidit,  
Cœlum, diemq; & cœtera,  
Virtute uerbi effecta sunt  
Hæc cuncta : nam uerbum deus.  
Sed ordinatis seculis,  
Rerumq; digesto statu,  
Fundator ipse & artifex  
Permansit in patris sinu.  
Donec rotata annalium  
Transuoluerentur millia,  
Atq; ipse peccantem diu  
Dignatus orbem uiseret.  
Nam cæca uis mortalium  
Venerans inanes neniæ,  
Vel æra, uel saxa algida,  
Vel ligna credebat deum.  
Hæc dum sequuntur, perfidi  
Prædonis in ius uenerant,  
Et mancipatam fumido  
Vitam barathro immerferant.  
Stragem sed istam non tulit  
Christus cadentium gentium  
Impune, ne forsân sui  
Patris periret fabrica,  
Mortale corpus induit,  
Ut excitato corpore

Mortis



Mortis catenam frangeret,  
Hominemq; portaret patri.  
Hic ille natalis dies,  
Quo te creator arduus  
Spiravit, & limo indidit,  
Sermone carnem glutinans.  
Sentis ne uirgo nobilis,  
Matura per fastidia  
Pudoris intactum decus  
Honore partus crescere?  
O quanta rerum gaudia,  
Aluis pudica continet,  
Ex qua nouellum seculum  
Procedit & lux aurea.  
Vagitus ille exordium  
Vernantis orbis prodidit.  
Nam tunc renatus sordidum  
Mundus ueternum depulit.  
Sparfisse tellurem reor  
Rus omne densis floribus,  
Ipsasq; harenas Syrtium  
Fragrasse nardo, & nectare.  
Te cuncta nascentem puer  
Sensere dura, & barbara,  
Victusq; saxorum rigor  
Obduxit herbam cotibus.  
Iam mella de scopulis fluunt,  
Iam stillat ilex arido

E

Sudans







*in prooemio*  
Deiectus ipse & irritis  
Plangens reatum fletibus.  
Cum uasta signum buccina  
Terris cremandis miserit,  
Et scissus axis cardinem  
Mundi ruentis soluerit.  
Insignis ipse, & præminens  
Meritis rependet congrua,  
His lucis usum perpetis,  
Illis gehennam & tartarum.  
Iudæa tunc fulmen crucis  
Experta, qui sit senties,  
Quem te furoris præfule  
Mors hausit, & mox reddidit. *post ventum des*

#### H Y M N V S E P I P H A N I A E.

Ratio carminis huius conuenit cum superiori.

**Q** Vicunq; Christum quæritis,  
Oculos in altum tollite,  
Illic licebit misere

Signum perennis gloriæ,  
Hæc stella, quæ solis rotam  
Vincit decore, ac lumine,  
Venisse terris nunciat  
Cum carne terrestri deum.

Non illa seruit uocibus,  
Sequuta lunam menstruam,  
Sed sola cælum possidens,  
Cursum dierum temperat.



**Arctoa** quamuis sydera  
In se retortis motibus  
Obire nolint, attamen  
Plerunq; sub nimbis latent.  
**Hoc** sydus æternum manet,  
Hæc stella nunquam mergitur  
Nec nubis occurſu abdita  
Obumbrat obductam facem.  
**Triftis** cometa intercizat,  
Et ſi quod aſtrum Sirio  
Feruet uapore, iam dei  
Sub luce deſtructum cadat.  
**En** Perfici ex orbis ſinu,  
Sol unde ſumit ianuam,  
Cernunt periti interpretes  
Regale uexillum Magi.  
**Quod** ut refulſit, cæteri  
Ceſſere ſignorum globi  
Nec pulcher eſt auſus ſuam  
Conferre formam lucifer.  
**Quis** iſte tantus, inquiunt,  
Regnator, aſtris imperans,  
Quem ſic tremunt cœleſtia,  
Cui lux & æthra inſeruiunt?  
**Illuſtre** quiddam cernimus,  
Quod neſciat finem pati,  
Sublime, celſum, interminum,  
Antiquius cœlo, & Chao.

**Hic**







Regem, deumq; adnunciant,  
Thesaurus, & flagrans odor  
Thuris Sabæi, ac myrrheus  
Pulvis sepulchrum prædocet.  
**Hoc est sepulchrum, quo deus**  
Dum corpus extingui sinit,  
Atq; id sepultum suscitât,  
Mortis refregit carcerem.  
**O sola magnarum urbium**  
Maior Bethlem, cui contigit  
Ducem salutis cœlitus  
Incorporatum gignere.  
**Altrice te summo patri**  
Heres creatur unicus,  
Homo ex tonantis spiritu,  
Idemq; sub membris deus.  
**Hunc & prophetis testibus,**  
Iisdem signatoribus,  
Testator & sator iubet  
Adire regnum, & cernere.  
**Regnum, quod ambit omnia**  
Dia, & marina, & terrea,  
A solis ortu ad exitum,  
Et tartara, & cœlum supra.  
**Audit tyrannus anxius**  
Adesse regem principem,  
Qui nomen Israel regat,  
Teneatq; David regiam.

Exclamat



Exclamat amens nuncio,  
Successor instat, pellimur,  
Satelles i, ferrum rape,  
Perfunde cunas sanguine.  
Mas omnis infans occidat,  
Scrutare nutricum sinus,  
Interq; materna ubera  
Ensem cruentet pusio.  
Suspecta per Bethlem mihi  
Puerperarum est omnium  
Fraus, nequa furtim subtrahat  
Prolem uirilis indolis.  
Transfigit ergo carnifex  
Mucrone districto furens  
Effusa nuper corpora,  
Animasq; rimatur nouas.  
Locum minutis artubus  
Vix interemptor inuenit,  
Quo plaga descendat patens,  
Iuguloq; maior pugio est.  
O barbarum spectaculum,  
Illisa ceruix cautibus  
Spargit cerebrum lacteum,  
Oculosq; per uulnus uomit.  
Aut in profundum palpitans,  
Mersatur infans gurgitem,  
Cui subter arctis faucibus,  
Singultat unda & halitus,



**Saluete flores martyrum,**  
Quos lucis ipso in limine  
Christi insecutor sustulit,  
Ceu turbo nascentes rosas.  
**Vos prima Christi uictima,**  
Grex immolatorum tener  
Aram ante ipsam simplices  
Palma & coronis luditis.  
**Quid proficit tantum nefas?**  
Quid crimen Herodem iuuat?  
Vnus tot inter funera  
Impune Christus tollitur.  
**Inter coeui sanguinis**  
Fluenta, solus integer  
Ferrum, quod orbabat nurus,  
Partus sefellit uirginis.  
**Sic stulta Pharaonis mali**  
Edicta quondam fugerat,  
Christi figuram praefrens  
Moses, receptor ciuium.  
**Cautum & statutum iusserat,**  
Quo non liceret matribus,  
Cum pondus alui absolueret,  
Puerile pignus tollere.  
**Mens obstetricis sedulae**  
Pie in tyrannum contumax,  
Ad spem potentis gloriae  
Furata seruat paruulum.

Quem



Quem mox sacerdotem sibi  
Adsumpsit orbis conditor,  
Per quem notatam saxeis  
Legem tabellis traderet,  
Licetne Christum noscere  
Tanti per exemplum uiri?  
Dux ille caeso Aegyptio  
Absoluit Israel iugo.  
At nos subactos iugiter  
Erroris imperio graui,  
Dux noster hoste saucio  
Mortis tenebris liberat.  
Hic expiatam fluctibus  
Plebem marino in transitu  
Repurgat undis dulcibus,  
Lucis columnam praefrens.  
Hic praeliante exercitu,  
Passis in altum brachijs,  
Sublimis Amalech premit *Ex 17*  
Crucis quod instar tunc fuit.  
Hic nempe Iesus uerior, *pericula*  
Qui longa post dispendia,  
Victor suis tribulibus *in uictor contra*  
Promissa soluit iugera. *diaboli*  
Qui ter, quaternas deniq; *difflectit*  
Refluentis amnis alueo  
Fundauit, et fixit petras,  
Apostolorum stemmata.







C. SEDVLII PRESBYTERI HY-  
mnus de Christo succincte ab Incarnatio-  
ne usq; ad Ascensionem.

**A** Solis ortus cardine  
Ad usq; terræ limitem  
Christum canamus principem  
Natum Maria uirgine.  
Beatus author seculi  
Seruile corpus induit,  
Ut carne carnem liberans,  
Ne perderet quos condidit.  
Caste parentis uiscera  
Cœlestis intrat gratia,  
Venter puellæ baiulat  
Secreta, quæ non nouerat.  
Domus pudici pectoris  
Templum repente fit dei,  
Intacta nesciens uirum  
Verbo concepit filium.  
Enixa est puerpera,  
Quem Gabriel prædixerat,  
Quem matris aluo gestiens  
Clausus Ioannes senserat.  
Fœno iacere pertulit,  
Præsepe non abhorruit,  
Paruoq; lacte pastus est,  
Per quem nec ales esurit.

Gaudet



Gaudet chorus cœlestium,  
Et angeli canunt deo,  
Palam quæ fit pastoribus  
Pastor creator omnium.  
Hostis Herodes impie,  
Christum uenire quid times,  
Non eripit mortalia,  
Qui regna dat cœlestia.  
Ibant magi quam uiderant  
Stellam sequentes præuiam,  
Lumen requirunt lumine,  
Deum fatentur munere.  
Katerua matrum personat,  
Conlisa deflens pignora,  
Quorum tyrannus millia  
Christo sacravit uictimam.  
Lauacra puri gurgitis  
Cœlestis agnus attigit,  
Peccata quæ non detulit  
Nos abluendo sustulit.  
Miraculis dedit fidem  
Habere se deum patrem,  
Infirma sanans corpora,  
Resuscitans cadauera.  
Nouum genus potentia,  
Aquæ rubescunt hydriæ,  
Vinumque iussa fundere,  
Mutauit unda originem.



**O**rat salutem seruulo  
Flexus genu Centurio,  
Credentis ardor plurimus  
Extinxit ignes februum.  
**P**etrus per undas ambulat  
Christi leuatus dextera,  
Natura quam negauerat  
Fides parauit semitam.  
**Q**uarta die iam foetidus  
Vitam recepit Lazarus  
Cunctisq; liber uinculis  
Factus superstes est sibi.  
**R**iuos cruoris horridi  
Contacta uestis obstruit  
Fletu rigante supplicis  
Arent fluenta sanguinis.  
**S**olutus omni corpore  
Iussus repente surgere  
Suis uicissim gressibus  
Aeger uehebat lectulum.  
**T**unc ille Iudas carnifex  
Ausus magistrum tradere,  
Pacem ferebat osculo,  
Quam non habebat pectore.  
**V**erax datur fallacibus,  
Pium flagellat impius  
Cruciq; fixus innocens  
Coniungitur latronibus.

Xeromyrrhan



Xeromyrrham post sabbatum  
Quædam uehebant corpori,  
Quas allocutus angelus,  
Viuum sepulchro non tegi.


Ymnis uenite dulcibus  
Omnes canamus subditum  
Christi triumpho tartarum,  
Qui nos redemit uenditus.

Zelum Draconis inuidi  
Et os leonis pessimi  
Calcavit unicus Dei  
Seseq; cœlis reddidit.


FINIT HYMNVS SEDVLII PRESBYTERI,  
de Christi laudibus, in quo uersiculorum prin=  
cipia grandiusculis notata literis continent  
omnes literas Alphabeti, ab  
A. usq; ad. Z.

LIPSIAE EX OFFICINA NICO=  
LAI FABRI, ANNO.  
M. D. XXXIII.











155649

AB 155649

ULB Halle

3

003 932 311




geb. 6.58 cl.R.









B.I.G.

Farbkarte #13

# AVRELII

AVDENTII CLEMENTIS VI

ri Consularis atq; Poëtæ Christianissimi

Liber καθημερινῶν, id est, opus re-

rum diurnarum, in usum piæ

iuuentutis editus.

iecta est Petri Mosellani epistola. Nam Leo-  
nardi Quercini ineptum de pientissimo  
poeta iudicium nihil moramur.

ANNO M. D. XXXIII.

Lipsiæ excudebat Nicolaus Faber,

MENSE SEPTEMBRI.

*I vos in primis rogo  
Tempus ne pereat turpiter in seip  
Regni nobilitati qd dederat nris deo omni*